

**NAMIBIA SENIOR SECONDARY CERTIFICATE**

**FIRST LANGUAGE OSHIKWANYAMA ORDINARY LEVEL 4105/3**

PAPER 3 Literature

2 hours

Marks 60

2017

Additional Materials: Answer Book

**INSTRUCTIONS AND INFORMATION TO CANDIDATES**

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **three** questions, **one** from Section A **Poetry**, **one** from Section B **Prose** and **one** from Section C **Drama**. Of the three answers, **one** must be an essay.
- Pay attention to spelling, punctuation and sentence structure.
- The number of marks is given in brackets [ ] at the end of each question or part question.

**OMALOMBWELO NOMAUYELELE KOVAHONGWA**

- Nyola omanyamukulo oye mEmbo lOmanyamukulo olo wa pewa.
- Nyola Onomola yOsenda, Onomola yEkonakono nEdina loye kEmbo loye lOmanyamukulo.
- Nyola nopena imbulau ile ilaula.
- Ino longifa okadimifo komeva.
- Nyamukula omapulo **atatu**, **limwe** okudja mEtukulwa la-A lOutevo, **likwao** okudja mEtukulwa la-B lEeprosa **nalikwao** otali di mEtukulwa la-C lEedrama. Epulo **limwe** lomwaaoo atatu nali kale ekwakuhololwa.
- Kotokela esipelo loitya, elongifonawa loileshifo netungo lomatumbulo.
- Omwaalu waitwa owa yandjwa moikondekifombine [ ] konima yepulo keshe ile yoshitukulwa shepulo.

This document consists of **9** printed pages and **3** blank pages.



Republic of Namibia  
**MINISTRY OF EDUCATION, ARTS AND CULTURE**

## ETUKULWA A: OUTEVO

Metukulwa eli hoolola mo epulo **limwe** alike.

- 1 Lesha nawa okatevo taka shikula ka kufwa m**Omatevelo 4** ku **A. L. Nghifikua**, ndee to nyamukula omapulo taa ka pulwa kuko.

### Afrika

Nale owa shiivika Afrika  
Du lilaula la dinika  
Paife u li edu la fimana  
Lomaliudaneko olupuna  
Taa hokolola onakwiwa yoye.

Ohaluka katu ku na vali  
Noufemba nosho tuu ombili  
Vakwetu vamwe va iwa navo  
KOushilo nOkouninginino  
Ve ku kanifa ove omuholike.

Noshito wa kala edu letu  
Loomeme-tatekulu vetu  
Eumbo lootate noomeme  
Tave ku ufa tave ku pangele  
Paunongo Kalunga Pamba e va pa.

Otwa li twa kanifa omukumo  
Twe liekela mekemo  
Kalunga ihe ku efa nganyoko  
Pamba ine tu liteeka  
Onghuwo yepongo Oye he i tondoka.

Ofyuululwanghedi va landula  
Va pangela nova tekula  
Moungudu nomeengudu va kala  
Pamilonga pomatale  
Va mangwa kumwe kohole yepata.

OkOushilo nokOuninginino  
Pokati nOumbanganhu  
Ku na ovo tave lipangele  
Nonyanya ile nohole  
Va longa ouyuki noshili.

Ohaluka ovatilyane ve ya  
VaEuropa va ehena  
Va tya omambo tava udifa  
Jesus Kristus ta fudifa  
Omuxupifi nOmukulili wounyuni.

Ndele nee mOumbuwanhu woye omu  
Ovanhu va hepekwa nai  
Kombulu, kOmwiingilisha, nOmuputu  
Ta denge, ta dipaa, ta pondo  
Oku shii ote mu mane po filu.

Ovana voye ve mu itavela  
Ve hole ku mu shikula  
Puye ve shi shii pu na elao  
Oye ondjila noshili nomwenyo  
Eteeleloxupifo loye Afrika.

Otwe ku hala ove Afrika  
Tu mwenye twa mangeluka  
Tu ku tunge fye tu ku yambule  
Tu ku hole tu ku file  
Ove ngaa Afrika yetu, Afrika.

Ovatumwa ve ya va landulwa  
Kwaavo va hala okupanga  
Kovangono nokovafuuli  
Hava kufa olupuna u li Omomalimba  
nomomaanda oye

*(Abisai Shejavali)*

- (a) Ovelishe ilipipo tai holola unene omaliudo omutevi kombinga yaAfrika? Shi holola noitwa **ivali**, ndele to yandje yo omatomheno. [4]
- (b) Omutevi wokatevo aka owoludi lilipipo? Yandja omatomheno **avali**. [3]
- (c) Holola noitwa **ivali** nghene omutevi e tu hololela omaliudo aye kombinga yomapangelo omuAfrika. Shi koleka. [4]
- (d) Yelifa noitwa **ivali** kutya omutevi okwa longifa ngahelipi elaka mokatevo aka, opo e tu hololele nghee Ovafrika va li tava kolonyekwa. Yandja omatomheno. [4]
- (e) Oshipalanyole noshikalimo shokatevo aka otashi tu tuu kumwe? Shi yelifa noitwa **ivali**. [3]
- (f) Omutevi okwa hala oku tu lombwela shike eshi ta ti: “Kalunga ihe ku efa nganyoko”? Shi yelifa. [2]
- [20]

**ILE**

- 2 Lesha okatevo aka ka dja m**Oifala noikuko** ku **J. Nghishiilenhapo**, ndele to nyamukula omapulo taa landula.

### Okakadona

OkaNakakolo naNdiba,  
Okapaka kaNgolongo naUfila,  
Koshiya sha kolol' ondjeva,  
Oshiya she lidengel' omayenge,  
Oya dja kuNaukungu,  
Kedila li n' okapadi,  
Naukungu laNangula.

Nambwado hai pitile poshini,  
Ya londola inali pita,  
Shinangeka iha mon' etango,  
Hamutwoindolol' oiti yoshini,  
Te i ufil' omufyaati,  
Omuti wa kewa noshivela,  
Omufindo tau pendul' omukofi.

Etwalukula noshikwangha,  
Etwashiti laShikonga,  
Omuuva te u ti tyava,  
Te u tyofola nawa nawa,  
Mangha inali mbeduka,  
Nolukula okwe li mbweda,  
E li tyakele kondjeva.

Oke n' omupindi tau nu oxuxwa,  
Komhadi ya fefeng' okade,  
Enduli lomutwe wa ninga nawa,  
Le u mbadanga noshikwangha,  
Ndee ta djal' okadelela,  
Ta ende ta umbu omunghani,  
Neemhafu tadi lelema.

Onde ka fimaneka pomafiya,  
Nande ko shidalelwe ka makele,  
Kolutu oka ngolongwa nawa,  
Ka ondolwa komwifwopepata,  
Oluko la liwa po koinhovele,  
Oikundu ya nuwa po kovashamane,  
Omingome tadi liwa po kovakulukadi.

Ekadona la pita pokamhangwa,  
Li ka hang' oimhungu mepya,  
Epya te li nipaulili' omwoolo,  
Oinhenga te i nipaulil' epya alishe,  
Oimhungu e i tw' okavela,  
Noluheke okwe li henyenga,  
Omukwandede e shi mone.

Ohaka tu ngotaka hambula,  
 Taka fifa taka pepele,  
 Ongalo tai ndulandada meke  
 Nomushi tau pendul' omukofi,  
 Kwa li e shii pamwe ongoma,  
 Tai shikwa kuNambwadja,  
 Ha fukik' omahelende.

Akutu hewa kakadona,  
 Ku na nand' efudepo,  
 Keshe shimwe oove sha tala,  
 To lotoka ashike shokakambe,  
 Ka teke kape n' omeva,  
 Ka twe kape n' oufila  
 Ka tyave kape n' oikuni.

- (a) Hokolola nghene omutevi e tu hololela omaliudo aye kombinga yoilonga yokakadona mokatevo aka.

Shi ninga noitya **125 – 150**.

[10]

- (b) Omutevi okwa longifa ngahelipi omudingonoko, opo e tu etele pouyelele etumwalaka lokatevo aka?

Shi hokolola noitya **125 – 150**.

[10]

[20]

## ETUKULWA B: EEPROSA

Moshitukulwa eshi nyamukula mo epulo **limwe** alike la kufwa m**Olupafu la twa eisho** ku **P. N. Hamutenya** ile mu**Wanashipolo a ya nomwenyo mofuka** ku **T. N. Shakujungua**.

**3** Lesha okahokololo aka ka dja m**Olupafu la twa eisho** ku **P. N. Hamutenya**, ndele to nyamukula omapulo taa ka pulwa kuko.

Veino okwa li a hafa unene eshi xe a dimina, opo a ye kOushimba. Ova kundafana naDlamini wopoushiinda shavo, ndele tave lidenge elila lokuya koKlein Aub. Veino okwa enda omupadi welao eshi a tambulwa moilonga. Konima yeehani hamano eshi da pita, Veino okwa mona ondunge ipu noyeendelelo yokushiivifila ina mEyakulo IOshiwana, e mu kongele okakadona. Okwa ya mofitola imwe i li popepi nomaumbo avo omo mu na otelefona. Efiku olo Mukwamhalanga okwa li a ka pitula mushiinda shaye Mukwaudimbe, osheshi ova li va finda koshoongalele shovadali kofikola kOmupako H.P. Ova tameka okuya moule womadiladilo avo, opo va tale ngeenge pomukunda wavo osho yo komikunda dopoushiinda, ope na tuu okakadona kokuhombolwa. Mukwaudimbe okwa lombwela mushiinda ta ti: “Osheshi ngaho okwooko ihaku li di peteta. Ame ondi na po omumwange womupangi mOshakati a dalwa koshiveli shetu.” Veino osho a mono Kristine noinima aishe oya endeke nawa.

Eshi pa pita omafiku onhumba, Veino naDlamini ova ya kEndola, va ka nyolife ohango. Omufitaongalo okwa li a hafa unene, shaashi Kristine okwa li okakadona okalineekelwa. Kristine okwa tembuka ko nokuli kooxe, paife oku li mooxemweno. Inapa pita noshivike ye ota ka tala oiyuma, opo a ninge epata komuhandjo.

Lavinia okwa li a eta po ondunge, opo Kristine a tungilwe okapangelo pomukunda, shaashi kakwa li a hafela Kristine ha ka longa manga kOshakati. Ondunge yaye oya itavelwa, ndele Kristine ta tungilwa okapangelo pomukunda. Meme Lavinia okwa kala nee ha i kokapangelo a twalele oshitenya oshikundu ye ta pwilikine omaudu ovahakulwa nonande Kristine na ninge onghendabala yoku mu kaleka kokule neenghundafana daye novanaudu.

Efiku limwe Kristine manga a ya kokapangelo, inamweno okwa ya kukahewa kaye Nadula. Ova hovela nee okuya meenghundafana ngaashi tashi shikula: **Lavinia:** Monawange oshitenya shange oshi na okanya. Mafiku aa osha lombwela nge vati osha hakula omunhu ta vele okandongo. Oinima i li ngaho ame ondi shii ihai tongwa. Ame onda tila nokuli ngaashi ndi li ngaha. **Nadula:** Hamba omunhu okwa pota? Omunhu ta ti ota vele okandongo, hamba ke fi Ndalulile wopufye? Ngeenge oNdalulile ota vele oupundjafina. **Lavinia:** Oye naanaa oo. Oshitenya shange mboli kashi fi omunhu. Omumwange nde mu fimaneka, nda li ndi shii ota mono omunhu hatu dulu okuudafana, fye hatu popi oiholekwa yetu.

Lavinia edi okwe ke di tya muVeino nokwe mu heka, opo a denge Kristine. Veino efiku olo okwa ifana Kristine a endekele e mu pe ouvalelo. Mokunyamukula, Veino okwe mu tendula ashike nomanghava. Meme Lavinia okwe ke uya nee konima yefimbo te litangunifa, ndele ta twala Kristine monduda nokonima eshi a aluka mo, okwa pita puVeino, ndele te mu nongofolele kutya ina yolifa nande Kristine, shaashi okwa lunduka.

Osho ngaho Veino a ka konga ombili komukulukadi waye kokapangelo ongula, ndele tava tokola va ka tunge eumbo lavo. Mwene womukunda Shaamha okwe va pa edilopya olo la futwa kuKristine eedola omafele ahetatu. Kristine okwa yandja yo oimaliwa kuVeino a ka lande oipeleki, oyo va dengela nayo ongulu yakula meumbo.

Efiku limwe meme Lavinia okwa etelwa onghundana yoluhodi kumeme Nadula, vati Veino okwa xulifa. Manga tava ende mondjila, meme Nadula okwe mu pa okanepe kombike vati ngeenge okwe ka mane ota kala a pashuka nawa. Eshi va fika, meme Nadula okwa pula mukwao, opo a kufe mo oinima aische i li monduda yoipeleki manga Kristine e li koilonga. Opa pita ashike efimbo lixupi ye Veino ote uya meumbo. Meme Lavinia nameme Nadula ova ifanwa koihokolola koomwene womukunda, ndele tava pulwa apa va tula oinima yovanhu, ashike meme Nadula okwe likala kutya ine i mona. Nadula, osho ngaho a ka futifwa oinima yovanhu.

- (a) Yandja oitwa **itatu** tai holola kutya omunhu wopoove ota dulu oku ku tula moupyakadi meekwatafano noukahewa oo wa li pokati kaLavinia naNadula mehokololo eli. Shi yelifa. [6]
- (b) Omushangi okwa holola Shaama omunhu woukwatya wa tya ngahelipi mehokololo eli? Shi yelifa. [2]
- (c) Omushangi wokambo aka okwe ku tukululila omaliudo elipipo kombinga yonghalo yaKristine? Shi yelifa noitwa **ivali**. [4]
- (d) Yandja omaliudo **avali** oo omushangi e ku tukululila kombinga yaLavinia mehokololo eli. Shi yelifa. [4]
- (e) Omushangi okwa holola omulumenhu, omunhu woukwatya wa tya ngahelipi, opo e tu etele pouyelele etumwalaka lehokololo laye? Shi yelifa noitwa **ivali**. [4]

[20]

### ILE

#### 4 Wanashipolo a ya nomwenyo mofuka ku T. N. Shakujungua

Omushangi wehokololo eli okwa longifa ngahelipi Kalambi, opo e tu etele pouyelele kutya omuhalomwelwa oha i nonyata povanhu shili? Shi yelifa noitwa tai di mehokololo eli.

Shi ninga noitya **250 – 300**.

[20]

## ETUKULWA C: EEDRAMA

Moshitukulwa eshi nyamukula mo epulo **limwe** alike la kufwa mu**Mushakati** wa**Nelao** ku**Ester Tweufiilwa Ndadi** ile m**Omapumhumu** taa **yolele oulipamwe** ku **V. Munyika**.

**5** Lesha okahokololo aka ka dja mu**Mushakati** wa**Nelao** ku **E. N. Ndadi**, ndele to ka nyamukula omapulo taa ka pulwa kuko.

Oku li mongudu onhine. Malakia pexulilo lodula okwa pita nawa. Opo nee a diladila a lombwele xe kutya kohambo ita i ko vali, ota kala ashike mofikola. Malakia okwa konga ondunge, opo a lombwele xe naina kutya ota ka talela po kooxekulu kOmukukutu waHailonga. Mboli omunhu ota i kOushimba, navakwao kape na nande oumwe a nofwela ko.

Konima yeemwedi hamano okwa ka shangela keumbo, ta yandje ombili eshi a ya ina lekela nokwe va lombwela yo kutya okwa mona oilonga, ota longo nawa.

Ovamati ava Malakia naJona osho ve livakele kOvenduka ndele tava mono oilonga pongeshefa yaShilumbu. Keshe umwe okwa li a pewa oilonga oyo e shi nawa. Malakia okwa pewa oilonga yokuwapeleka mombelewa, omanga Jona a pewa oilonga yokuninga otee. Omuhona wavo okwe va lekela kutya ota i kOpoosa diva ita kala ko, ashike eshi okwe shi ninga ashike a tale ngeenge ovamati ava oilonga ove i shii tu shili nohava longo nondjungu. Mokwaaluka kwaye, okwa hanga ombelewa yaye tai vema ashike. Fiku olo oya uhalele i li hamwasha yo shito ohai idilwa. Okwa ninga etokolo kutya ovamati otava ka longa mofitola, opo va kale hava wapaleke mo nawa.

Mukwao ou va hanga po inava kalela po okuliika. Ove mu hanga e na ohauto yamumwaina. Ova kala nee hava ningi eshi va dimbuka vo tava ka longwa okushinga. Efudo eshi la fika ovamati ove li mekambaba va yuka koonakudala. Kakwa li va dja pomukunda umwe auke, ashike eogalo lavo limwe alike. Eshi va heluka ove lipa oshilaye va shakene kongeleka kOmundaungilo vo tava tale ngaho nee mounangula kutya ongahelipi. Osoondaxa eshi ye ke uya, oowaNelao ve li mongeleka, ovanamaonda va djala nawa, otava ende ongeda ei yokaxuxwa ka teka evava, ndele oukadona tava mane nee okunongofola. Ou Neudo oku li ngaho ngahenya.

Efiku limwe Malakia opo ta longele oikutu yaye, Mboshono okuwete ta kakama, oku kwetiwe koutalala. Omumati okwa ombokelwa. “Omunhu na ye kooNashipite shaHaiduwa, omunhu na ye koshipangelo”. “Tu yeni kooNashipite omunhu a ka kungifwe.” Aveshe ova ya keumbo longanga, ashike inashi kwafa sha. Malakia okwa twalwa koshihakulilo kOshakati, ndele ta monika okimili nokwa lombwelwa kutya ota ka tandwa. Ndokotola eshi a ka popya okwa popya mOshiingilisha, eshi omuhakuli a ka toloka, winya a dedaulwa komukifi ina teelega ko vali, okwa nhukila mo ashike vo otava i nokuli mwaali lomomeva nandokotola, fiyo va mana. Shilipipo paife ota pakavauma nee ngaho, shaashi oku a twala omeva hako taku dungwa.

**Mukwamalanga:** Opo nee u li Mushakati? Ou li nee nawa. Mboli ngeno twe ku lya, fye tu lundile ovanhu vovanhu.

**Malakia:** Eheni Meme, ame ondi li nawa nghi na mbudi. Osoondaxa ohandi i nokuli komambo, ame ndi ka pewe ko ombapila yange yeongalo ndi ka tameke ofikola yekoleko moushimba, ame ndi ka pule Jefulou wange ngeenge otashi dulika ngaho ndi uye ndi hovele ofikola.

**Mushashi:** Eewa hano wani. Uha kendabala ku findi. Shi tiwa ounona



voumatyona omo ngaho ve li omu? Shikaku na endelele a tale oikombo apa ya ama, yo ngee ya i koshinyongo ta ile nge. Ovanhu ova ninga ngaho omafiku nondjala.

Penehafo okwa pita ongula inene ta tulile po mumwaina onghuta. Eshi Malakia a ka penduka Nashimbwadule okwa mana nale, havo vali vokupendaulwa.

Tomasa eshi ve uya naMalakia inava pulwa sha nokuli, okwa tiwa ashike na hovele. Petrus okwa ka lombwela ashike Shilumbu kutya okwa mona ou a ya ponhele yaJona. Shilumbu okwa ti naye kuye mombelewa e ke mu tale. Tomasa, opo e li po oku wete Petrus e uya e na eeshapi peke te di pe Malakia, vati na ye kopoosa a ka tale ngeenge okwe uya sha. Malakia a aluka, oye ou ta di mo neembapila dihapu-dihapu, te di pe Petrus noshapi a twale mombelelwa.

- (a) Holola noitwa **itatu** nghene omushangi a eta pouyelele oukwatya waMushakati pefimbo lefudo. Shi yelifa. [6]
- (b) Omushangi wehokololo eli okwa hala oku tu hongwa shike kombinga youkwatya waMalakia pefimbo louvela waye? Shi yelifa noitwa **ivali**. [4]
- (c) Omunyandi elipipo wa panda unene, nomunyandi oo wa panda kanini mokambo aka **Mushakati waNelao**? Shi yelifa noitwa **ivali** komunyandi keshe. [6]
- (d) Yandja oiningwanima **ivali** tai ulike efiiloshiduto olo u na, eshi wa lesa oshinyandwa eshi. Shi koleka. [4]
- [20]

## ILE

### 6 Omapumhumu taa yolele oulipamwe ku V. Munyika

Hokolola nokuyelifa nghene omushangi a longifa ekwatafano pokati kovanyandi mehokololo eli **Omapumhumu taa yolele oulipamwe**, opo a ete pouyelele etumwalaka lehokololo laye.

Shi ninga noitya **250 – 300**. [20]

**BLANK PAGE**

**BLANK PAGE**

**BLANK PAGE**